

Khidmadaha Dugsiga Su'aalaha Waalidka (FAQS)

Su'aalaha Badanaa Leys Weydiiyo



Gudiga Waxbarashada Gobolka Utah (Utah State Board of Education) (USBE) wuxuu rabaa in uu hubsado in ardayga KASTA uu geli karo dhamaan fasalka iyo hawlaha iyadoo aan la fiirin daruufaha maaliyadda uu qoyska ku sugan yahay. USBE waxay awood sharci u leedahay in ay abuurto sharciyada loo baahan yahay in dugsiyada raacaan marka ay lacagta ka soo aruuriyaan ardayda iyo waalidiinta si ay u habsadaan in qof kasta uu geli karo.

Maxay Tahay Khidmadda Dugsiga?

Khidmadda waxaa lagu sifeyaa sida shay lagu qiimeeyo lacag \$\$ kaasoo uu soo codsado ama uu doono dugsiga si ardayga u yeesho awood uu uga qeybgalo hawsha, fasalka, ama brograamka. Tan waxaa laga garan karaa cadaadis ama codsi in laga qeybgalo sida qeyb ka tirsan kooxda. Tan macnaheeda waxay tahay in haddii uu jiro shay aan loo baahneyn si looga qeybgalo, balse weli la filaaayo in ardayga uu haysto shaygaas, waxay noqon doontaa khidmadda dugsiga. Lacagaha laga bixiyo dhinacyada saddaxaad sida khidmadaha gelitaanka ama kirada qalabka waxay sidoo kale ahaan karaan khidmado.

Tusaalooyin:

<p>\$10 oo loogu talagalay fasalka Fanka</p>	<p>\$70 oo loogu talagalay Kooxda Dabaasha</p>	<p>\$5 oo loogu talagalay Muraayadaha Ammaanka</p>	<p>\$30 oo loogu talagalay Tigidhka Prom</p>
<p>\$150 oo loogu talagalay Kliinikada Isboortiga Kuleylaha</p>	<p>\$20 oo loogu talagalay goynta ama dabeecad xumada</p>	<p>\$300 oo loogu talagalay safarka Heesaha ee dibadda ka ah gobolka, iyo cuntada</p>	<p>\$30/bil kasta oo loogu talagalay brograamka dugsiga-kaddib</p>

Sideey waalidiinta ku ogaadaan khidmadaha ka jira dugsigooda?

Dugsi kasta waxaa laga rabaa in uu dhamaan khidmadaha ku qoro **jadwalka khidmadaha**, haddii kale looma ogola in ay soo dallacaan khidmadda.

Jadwalka khidmadda waa in sidoo kale la siiyo waalidiinta iyo ardayda inta ay socoto diiwaan gelinta lana soo geliyo bogga internetka dadweynaha ee dugsi kasta.

Dugsiyada Hoose: Lama soo dallici karo khidmadaha marka laga reebo adeegyada la fulliyo dugsiga-ka hor, dugsiga-kaddib ama brograamka xanaanada fidsan.

Ka-Dhaafidda Khidmadaha waxaa heli kara: Ardayda dakhliga qoyskooda kooban yahay, waxay dalban karaan in laga dhafo qaar ama dhamaan khidmadahaan.

Dugsiga ma reeban karaa ama miyuu ardayga ka saari karaa hawsha, fasalka ama brograamka uu mas'uulka ka yahay dugsiga?

.....➔ **Maya** ←.....

Dugsiga ma diidi karo in uu bixiyo darajada koorsada ama ma reeban karo diiwaanka rasmiga ee ardayga sida jadwalada fasalka maxaa yeelay ardayga ma bixinin khidmadaha.

Dugsiga wuxuu iskudayi karaa in uu soo aruuriyo khidmadaha ardayga haddii ardayga uusan dalbanin ka-dhaafidda khidmadda ama arjigooda la soo diido balse lama ogola in ay saameeyso ka-qeybgalka ardayga inta lagu dhex jiro maalin dugsiyeedka taasoo ugu wacan khidmadaha aan la bixinin.

Maxaa Loola Jeedaa Ka-Dhaafidda Khidmadda?

Ka-dhaafidda khidmadda waa marka qofka laga dhaafo bixinta khidmadda. Tan macnaheeda waxay tahay in ardayda xaqa u yeelata ka-dhaafidda khidmadda ka qeybgeli karaan fasal kasta ama hawl kasta oo ka jirta dugsiga iyadoo aan waxba lagu soo dallicin.

Tusaale:



Marka ardayga dugsiga ka qeybgalo kooxda kubadda cagta kaddibna qeyb ka mid ah kooxda codsadaan in xubin kasta oo ka tirsan kooxda qaadata labbis aan loo baahneyn in loo qaato cayaarta. Bacdamaa ka-qeybgale kasta laga filaayo in uu soo qaato labbis gaar ah (wuxuu ahaan karaa shaarka gacma gaabka, daboolka madaxa, kabo, iwm), iminka waa in khidmadda labbiskaas laga dhaafo kuwa xaqa u yeesha maxaa yeelay waa la codsaday ama waa loo baahnaa si looga qeybgalo taasoo qeyb ka ah kooxda.

Sidee loola kulmaa Xuquuqda Madaniga baahida luqadda ay qabaan waalidiinta?

1

USBE waxay dooneysaa in haddii dugsiga ay tagaan arday iyo qoysas ku hadla luqad aan ahayn Ingiriisi iyo 20% ama ka badan qoysaskaas ku wada hadlaan luqad kale, markaas dugsiga waxaa laga rabaa in uu qoysaskaas ogeysiiska ku siiyo luqadda ay ku hadlaan.

2

Haddii dugsiga uusan ogeysiiska ku soo daabicin luqadda aasaasiga qoyska, markaas dugsiga waxaa laga rabaa in uu qof ahaan ula kulmo qoyska, kaashado turjubaan, si qoyska uu si buuxdo ula socdo dhamaan sharciyada u dagsan ee ku saabsan khidmadaha dugsiga iyo in ay fahamsan yahiiin xuquuqda ay leeyahiin ee ku saabsan ka-dhaafidda.

Sidee ayuu qoyska ardayga ku dalbadaa ka-dhaafidda Khidmadda?

1. Dugsiga waa in uu arjiga siiyo qoyska ardayga waqtiga diiwaangelinta lana heli karo waqti kasta oo loo baahan yahay bixinta khidmadda dugsiga si ay uga qeybgalaan hawsha ama brograamka.
2. Habka loo dalbado ka-dhaafidda khidmadda waa in ay ahaato mid **asturan**. Kuwa ku lugta leh keliya hawsha ka-dhaafidda khidmadda keliya ayaa loo ogol yahay in ay ogaadaan qofka loo ogolaaday ka-dhaafidda khidmadda.
3. Habka lagu helo ka-dhaafidda khidmadda waa in ay ahaato mid xaq ah, loo jeedo, leyskana ilaaliyo qajilaad, soo dhaweysi aan munaasab ahayn, lana saarin ardayga ama waalidka culeys aan macquul ahayn.
4. Arday kasta oo ku sugan ka-dhaafidda khidmadda waa in aan loola dhaqmin si ka duwan ardayda kale.

USBE waxay dajisay sharciyadaan si loo hubsado in arday kasta uu geli karo dhamaan fasalada iyo hawlaha ka socda dugsiga.

Tusaale:

Kooxda fanka waxay fursad u haysataa in ay ka qeybgasho tartanka qaranka ee lagu qabto California halkaas ay inta badan kooxda jeebkeeda ka bixiso safarka. Ma loo ogolaan karaa xubinta kooxda ee qaadata ka-dhaafidda khidmadda in ay tagto haddii safarka yahay mid uu qofka iskiisa uga qeybgalo kana tirsaneyn qeyb ka mid ah darajada?

HAA ←-----

Ka-dhaafidda khidmadaha waxaa lagu dabaqaa koorso kasta, brograam kasta, ama hawl kasta oo mas'uul laga yahay ama uu taageero dugsiga ama loo maro dugsiyada dadweynaha. Safarka noocan wuxuu hoos yimaada ka-dhaafidda khidmadaha. Haddii kooxda go'aan ku gaarto in ay soo aruuriso lacagta safarka, dhamaan ka-qeybgaleyasha safarka, ma aha aruuriyaha lacagta, waxay si isla'eg u qeybsan doonaan lacagta la soo aruuriyay. Haddii ardayda xaqa u yeelata ka-dhaafidda khidmadda u baahdaan lacag dheeraad ah, dugsiga waa in uu bixiyo lacagtaas.

Ka-Dhaafidda Khidmadaha - Sii socoto

Maxaa dhaliya in ardayga uu xaq u yeesho ka-dhaafidda khidmadda?

- 1** Marka dakhliga qoyska waafaqo heerarka Maamulaha Gobolka dajiyay. Heerarkan waxaa loo sameyay in la waafajiyo heerarka dakhliga la xariira brograamka qadada lacag la'aanta ee federaalka. Tan macnaheeda waxay tahay in haddii ardayga xaq u yeesho qadada lacag la'anta, waxay xaq u yeelan doonaan ka-dhaafidda khidmadda. Qoysaska waxaa laga codsan karaa in ay soo gudbiyaan macluumaad dheeraad ah si loo xaqiijiyo dakhligooda marka ay dalbadaan ka-dhaafidda khidmadaha.
- 2** Marka ardayda qaadata dakhliga soshal sekuritiga. Dugsiga wuxuu ogolaan doonaa warqadda xaqiijinta manaafacaadka ee laga qaato Maamulka Soshal Sekuritiga baddalkii xaqiijinta dakhliga.
- 3** Marka ardayda ama qoysaska qaataan Kaalmada Ku Meelgaarka ee la Siiyo Qoysaska u Baahan (Temporary Assistance for Needy Families) (TANF) ama qeyb ka tirsan Brograamka Shaqada Qoyska Gobolka (State's Family Employment Program) (FEP). Xaqiijinta go'aanka Waaxda Adeegyada Shaqaalaha ee Utah (Utah Department of Workforce Services) ee ku beegan muddada la soo codsaday ka-dhaafidda khidmadda waxaa loo tixgelin karaa sida xaqiijin kale.
- 4** Marka ardayda ku jiraan xabsiga gobolka ama daryeelka korinta. Foomka qabashada daryeelka dhallin yarka iyo warqadda diiwaan gelinta dugsiga uu bixiyo qofka ka shaqeeyo kiiska kana socda Qeybta Adeegyada Qoyska iyo Cunugga ee Utah (Utah Division of Child and Family Services) ama Waaxda Caddaaladda Dhallinta Utah (Utah Juvenile Justice Department) waxaa loo gudbin karaa dugsiga baddalkii xaqiijinta dakhliga.
- 5** Waxaa kaloo dhici karta in dugsiga uu ardayga bixiyo ka-dhaafidda khidmadda, taasoo ku saleysan hadba sida kiiska yahay, marka ardayga uusan xaq u yeelanin sida hoos timaado xaaladahaan balse aan awood u lahayn in uu bixiyo khidmadda. Dugsi kasta waxaa laga rabaa in uu tixgeliyo daruufaha arday kasta iyo in ay bixiyo siyaabo uu arday kasta si buuxdo uga qeybgalo siistemka waxbarashada dadweynaha ee Utah iyadoo aan la fiirin in daruufaha maaliyadda.

Maxaa dhaca marka dugsiga diido ka-dhaafidda khidmadda ardayga?



Haddii dugsiga uu ardayga u diido ka-dhaafidda khidmadda maxaa yeelay lama kulmin shardiga loo baahan yahay, ardayga wuxuu racfaan u soo gudbin karaa dugsiga soona codsado in macluumaada la fiiriyo lana tixgeliyo taasoo ku saleysan xaaladda.

Inta waqtigaan lagu dhex jiro, dugsiga waa in uu joojiyo dhamaan khidmadaha ilaa laga gaaro go'aanka kama dambaysta.

Waalidiinta waa in la siiyo fursado dheeraad ah oo aan ahayn ka-dhaafidda khidmadda si haddii cunugooda loo diido ka-dhaafidda khidmadda, waxay qabaan siyaabo kale ay ku habsadaan in ay si buuxdo uga qeybgalaan fasalada iyo hawlaha dugsiga.

Sidee Ayay Waalidiinta Uga Qeybgeli Karaan?

Dugsiyada waxaa iminka laga rabaa in ay qabtaan labo shir oo loogu talagalay dadweynaha, si loo ogeysiyo waalidiinta, laguna dhiiri geliyo in ay yimaadaan ka hor inta khidmadaha sannadka aan la ogolaanin. Shirarkan dadweynaha waxay waalidiinta siiyaan fursad ay ku lug yeeshaan soona jeediyaan co kooda ku saabsan khidmadaha uu dugsigooda soo dallaco.

Waa in la soo ogolaado jadwalada khidmadda iyo siyaasadaha ugu dambayn **Abriil 1** sannadka lagu dabaqo khidmadaha ka hor.

USBE waxay ku tallineysaa in waalidiinta isha ku hayaan ogeysiisyada shirarkan ee ka yimaada dugsigooda ka hor inta aan la gaarin Abriil 1, si ay uga qeybgalaan.



Macluumaad Badan, Su'aalaha, ama arrimaha

Nagala soo xariirt: schoolfees@schools.utah.gov
ama booqo: <https://schools.utah.gov/schoolfees>